

ZASTUPNICA U SKUPŠTINI KANTONA SARAJEVO

MERSIHA MEHMEDAGIĆ

MINISTARSTVO ZDRAVSTVA

PREDMET: ZASTUPNIČKA INICIJATIVA

Kako još nisam dobila odgovor od Ministarstva, ponavljam inicijativu pokrenutu 22.03.2017. godine.

Molim Ministarstvo zdravstva da ukine smjernice koje osiguranicima vremenski ograničavaju nabavku lijekova po cijeni koju priznaje ZZO KS, te da uskladi B listu u tom dijelu sa Federalnom B listom lijekova gdje tih ograničenja nema.

Konkretan slučaj je lijek Betaserc 24 mg koji se nalazi na B listi lijekova Kantona Sarajevo i u skladu sa ograničenjem iz Smjernice 13. najviše se može koristiti 3 mjeseca u 12 mjeseci, iako se radi o redovnoj terapiji za pacijente sa dijagnozom Vertigo i sličnim dijagnozama.

OBRAZLOŽENJE:

Na osnovu saznanja od korisnika zdravstvene zaštite u KS, navedeni lijek, iako redovna terapija propisana od nadležnog ljekara za dijagnozu Vertigo, može se kupiti uz participaciju od 12 KM samo tri mjeseca. Preostalih devet mjeseci pacijenti sa navedenom ili sličnom dijagnozom za čije liječenje se propisuju Betahistini, moraju se kupovati po tržišnoj cijeni koja je znatno viša (cijena Betaserc 24 mg se kreće od 38 do 40 KM). Za odobravanje kupovine lijeka po cijeni koju priznaje ZZO KS pacijent se mora obratiti Zavodu.

S obzirom da je zdravstveni sistem uveliko informatički uvezan te da je odobreno čak i upošljavanje dodatnih ljekara koji bi kontrolirali propisivanje lijekova, smatram apsolutno nedopustivim prisiljavanje pacijenata da još pišu molbe i zahtjeve i dolaze u ZZO KS kako bi dokazali potrebu za određenim lijekom i pored adekvatne medicinske dokumentacije i korištenja terapije pod nadzorom nadležnog ljekara.

26.04.2017.godine

Zastupnica


Mersiha Mehmedagić